



Broj: 10/E-11-1794/25
Sarajevo, 14-04-2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Sanacija, rekonstrukcija, izgradnja, redovno i vanredno održavanje stepeništa, pješačkih staza i ograda za potrebe Općine Centar za MZ: Park-Višnjik, Koševo II, Pionirska dolina, Nahorevo (Zapisnik o pregledu i ocjeni ponuda broj: 10/E-11-1794 od 09.04.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“KAMEN DIZAJN” d.o.o. Sarajevo**, ulica Rakovička cesta broj 186, 71210 Ilidža - Sarajevo, broj: EC-01/25 od 08.04.2025. godine, za sanaciju, rekonstrukciju, izgradnju, redovno i vanredno održavanje stepeništa, pješačkih staza i ograda za potrebe Općine Centar za MZ: Park-Višnjik, Koševo II, Pionirska dolina, Nahorevo, putem otvorenog postupka, sa cijenom u ukupnom iznosu od **2.348.327,79 KM bez PDV-a**, odnosno **587.081,95 KM bez PDV-a** (sa faktorom korekcije), odnosno **686.885,88 KM sa PDV-om** (sa faktorom korekcije) i **rokom plaćanja 60 (šezdeset) kalendarskih dana**.
- II.** Izabrani ponuđač dužan je u skladu sa članom 45. Zakona o javnim nabavkama, najkasnije u roku od **5 (pet) dana** od dana prijema ove Odluke, na protokol Ugovornog organa dostaviti uvjerenje Suda BiH (ulica Kraljice Jelene broj 88, Sarajevo) kojim dokazuje da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, a shodno tački 7.1.2. pod a) tenderske dokumentacije (original ili ovjerena kopija).
- III.** Ugovorni organ će sa izabranim ponuđačem zaključiti okvirni sporazum na period trajanja 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Sanacija, rekonstrukcija, izgradnja, redovno i vanredno održavanje stepeništa, pješačkih staza i ograda za potrebe Općine Centar za MZ: Park-Višnjik, Koševo II, Pionirska dolina, Nahorevo, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-1794/25 od 10.03.2025. godine.
Predmet nabavke nije podijeljen na LOT-ove.

Procijenjena vrijednost nabavke bez uračunatog PDV-a iznosi 600.000,00 KM, za cijeli period trajanja okvirnog sporazuma.

Obavještenje o nabavci 848-1-3-20-3-83/25 objavljeno je na Portal javnih nabavki dana 18.3.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (08.04.2025. godine do 13:00 sati), na adresu Ugovornog organa primljene su 2 (dvije) ponude dostavljene od ponuđača: 1. „DINALSA“ d.o.o. Sarajevo i 2. „KAMEN DIZAJN“ d.o.o. Sarajevo, što je evidentirano u Zapisniku o otvaranju ponuda, broj: 10/E-11-1794/25 od 08.04.2024. godine.
Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana su cijene ponuda i rok plaćanja, kako slijedi:

r/b	Ponuđač	Ukupno bez PDV-a	Popust	Faktor korekcije (SUM/4)	Ukupno sa popustom bez PDV-a	Sveukupno sa PDV-om (KM)	Rok plaćanja (kalendarski dani)
1.	„DINALSA“ d.o.o. Sarajevo	2.386.103,40	-	596.525,85	596.525,85	697.935,24	60 (šezdeset) dana
2.	„KAMEN DIZAJN“ d.o.o. Sarajevo	2.348.327,79	-	587.081,95	587.081,95	686.885,88	60 (šezdeset) dana

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa zahtjevima iz tenderske dokumentacije, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ponuđača 1. „DINALSA“ d.o.o. Sarajevo i „KAMEN DIZAJN“ d.o.o. Sarajevo ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija II je ustanovila da su ponude računski ispravne, te da je ispravno obračunata ukupna cijena ponude sa PDV-om.

U daljem toku postupka Komisija II je izvršila analizu, usporedbu, ocjenu i vrednovanje dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije (Aneks 11.).

Primjenom tenderskom dokumentacijom utvrđenih potkriterija 1. Cijena 95% i 2. Rok plaćanja 5% i bodovanjem elemenata iz dostavljenih ponuda, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija II je izvršila ocjenu i bodovanje dostavljenih ponuda kako slijedi:

R/b	Ponuđač	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 95% (bez PDV-a)	POTKRITERIJ Rok plaćanja 5% (kalendarski dani)	UKUPNO
1.	„DINALSA“ d.o.o. Sarajevo	$587.081,95/596.525,85 \times 95 = 93,50$	$60/60 \times 5 = 5$	98,50
2.	„KAMEN DIZAJN“ d.o.o. Sarajevo	$587.081,95/587.081,95 \times 95 = 95$	$60/60 \times 5 = 5$	100

Rangiranjem ponuda u skladu sa kriterijem za dodjelu ugovora, odnosno potkriterijima 1. Cijena i 2. Rok plaćanja slijedi:

RANG	PONUĐAČ	BROJ BODOVA	UKUPNA CIJENA PONUDE BEZ PDV-a (sa faktorom korekcije)	ROK PLAĆANJA (kalendarski dani)
1.	"KAMEN DIZAJN" d.o.o. Sarajevo	100	587.081,95	60
2.	"DINALSA" d.o.o. Sarajevo	98,50	596.525,85	60

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **"KAMEN DIZAJN" d.o.o. Sarajevo**, ulica Rakovička cesta broj 186, 71210 Ilidža - Sarajevo, broj: EC-01/25 od 08.04.2025. godine, sanaciju, rekonstrukciju, izgradnju, redovno i vanredno održavanje stepeništa, pješačkih staza i ograda za potrebe Općine Centar za **MZ: Park-Višnjik, Koševo II, Pionirska dolina, Nahorevo**, sa cijenom u ukupnom iznosu od **2.348.327,79 KM bez PDV-a**, odnosno **587.081,95 KM bez PDV-a** (sa faktorom korekcije), odnosno **686.885,88 KM sa PDV-om** (sa faktorom korekcije) i **rokom plaćanja 60 (šezdeset) kalendarskih dana**, sa kojim će biti zaključen okvirni sporazum na period trajanja od 2 (dvije) godine.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH”, broj 39/14, 59/22 i 50/24).

Naknada za pokretanje žalbenog postupka iznosi 7.500,00 KM u skladu sa članom 108. stav (1) tačka e) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-1794/25 od 09.04.2025. godine



Dostaviti:

1. Ponuđaču: „DINALSA” d.o.o. Sarajevo
ulica Husina Đoze broj 3, 71000 Sarajevo
2. Ponuđaču: „KAMEN DIZAJN” d.o.o. Sarajevo
ulica Rakovička cesta broj 186, 71210 Ilidža - Sarajevo
3. Službi za stambene i komunalne poslove
4. Kabinetu općinskog načelnika – Odsjek za javne nabavke
5. Službi za finansije
6. U spis